

Dal lönesc, 17 d'otober, inant pón indô se lascé fá pro i doturs de fiduzia la vacinaziun cuntra les coies tl orar d'ambulatorio.

La farmacia Pütia é stlûta dai 16 ai 23 d'otober.

L'aministraziun de comun mêt da jí en sabeda, ai 22 d'otober na festa de rengraziament ai tröc voluntars dla proteziun zivila che á daidé cun gran idealism, profesionalité y impëgn pro les catastrofes naturales y sanitaes ti ultimi agn . Dales 16.45: sfilada di voluntars y dles autorités cun la musiga dala Ciasa de Palsa demez cina tla dljia da San Martin; dales 17.00 mësä de rengraziament. Döta la popolaziun é inviada da tö pert y accompagné nûsc tröc voluntars.

Al vëgn lascé al savëi che le Comun chir "nonni vigili" por San Martin por l'ann de scora 2022/2023; interessá ciafa informaziuns plü avisa sön la plata internet de comun sot ala sezion "news" o tl'ofize personal dl Comun.

PLOANIES SAN MARTIN Y LUNGIARÜ

Bibliolog: Vigni ultimo vëndres dl mëis dales 15.00 - 16.00 Uhr. Chësta metoda scëmpla y creativa ti dá vita ala Bibia por düc; Fr. Michael Ertl 0471 839 635)

SAN MARTIN

La Uniun dles Ëres da San Martin inviëia dötes les ëres a na picia gita en vëndres, ai 28 d'otober. I s'incuntun dales 14.00 sot la dljia y jun a ti ciaré ala Tesciaría Gaidra a Pidro. Dedo junse sö S. Berbora olache don Vito zelebrará na mësä y dedö sö dal lüch Ciablun a na buna picia marëna. Le cost é de 10 euro. Prenotesse cina en dedölönesc, 25/10: 339 31 15 679. Gnide tröpes!

LUNGIARÜ

A dötes les copies che pó tö pert incö ala festa di maridá iubilars ti aoda la comunité ch'ares pois vire ciamó tröc agn deboriada cun sanité, tl amur y tla fedelté.

Les Seniores y i Seniors da Lungiarü é dër bel invia da gni: en mercui ai 19/10 dales 14.00 a chidlé, i piun ia dales 14.00 dal Sanví, y le vëndres, ai 04 de novëmber, ala jita a Porsenú, dal Sanví demez dales 12.00 cun le bus a ti ciaré al museum diozejan y spo por le tru de meditaziun de San Cyrill cina sö "Villscheiderhof" ala ciastagnada. Chi che stënta da jí vëgn mená. Prenotésse cina en mertesc ai 18/10 pro Renate 342 32 79 406 o Clemente 342 13 76 430.

La Uniun dles Ëres da Lungiarü y le consëi de formaziun mêt a jí n referat "Smendrí le refodam te ciasa y vijijuns nöies cun Giulia Moling (che á messü desdí d'agost) en mercui, ai 19 d'otober, dales 19.00 - 21.00 tl salf dl paisc. Prenotaziuns tres whatsapp pro Giulia 347 58 60 697..

I Jogn da Lungiarü organisëia n curs da balè cun Günther Hellweger por döta la comunité dai 03 de novëmber ai 22 de dezëmber n iade al edema n ora y mesa. Al vëgn fat dui grups, un por prinzipianc dales 19.30 y un por progredis dales 21.00. Le cost é de 150 € porom. Prenotaziuns 348 59 87 775 cina ai 31/10.

La Ciasa de Palsa chir n/na cogo/cöga y n aiüt de ciasadafüch, a tëmp plëgn o parzial. I posc é anuai y da atira. Al vëgn ince chirí infermiers y assistënc sozio-assistenziai. Contat: valentin.ertlacher@ciasadepalsa.it o 0474-524 786.



Plata dles Ploanies San Martin y Lungiarü

ploan siur Klaus Sottas 344 15 54 055 - ksottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



16.10. - 22.10.22 n. 47

ultimo termo por comunicaziuns: jöbia, dales 20.00

<https://www.valbadiaonline.it>

29ª DOMÈNIA IA POR L'ANN C

Vangele do Lûca 18,1-8

Gejù ti à dit ai discepuì, cun na parabola, che ai dess perié demeztru, zënza lascé do: Te na cité viöl n iudicadù che ne temô nia Idî y che n'â compasciun cun degügn. Tla medema cité viöl ince na vëdua che gnô tres indô da d'ël y dijô: Fame avarëi le dërt cuntra mi nemì! Dî alalungia nen n'â le iudicadù orü savëi nia. Mo spo s'âl dit a sé instës: Ince sc'i ne tëmi nia Idî y i n'â compasciun cun degügn, ôi impò ti fa avarëi le dërt a chësta vëdua, ciodiche ara ne me lascia degöna tria. Zënza vëgnera ciamò ala fin y me dà tla müsa. Y le Signur à ajunté: Aldide, co che le iudicadù iniüst dij. Ne dess nia Idî a sü prelità, che ti scraia incuntra dé y nôt, ti fà avarëi le dërt, impede i fà aspeté? I ves diji: Al ti fajarà avarëi le dërt atira. Mo le Fi dl Om, ciafaral mo canch'al vëgn ciamò fede söla tera?



Tigní pro y ne zede nia, ince sc'i ne ciapun 100 iadi degöna risposta. Deache chësta é bëgn l'esperienza ch'i fajun. Nosc perié ne porta gonot nia. Mo ne la dé nia sö é impó dërt.

Deache chë püra ëra debba tla parabola de Gejù é impó na ëra sterscia. Ara ne se rassegnëia nia te süa situaziun da vëdua tralasciada zënza degügn dërc. Ara sá ci ch'ara ó, se dá da fá y é buna ala fin da s'la fá avarëi. Chësc é le suzes dl perié:

Tigní alalt la speranza - por me y por d'atri. Crëie che le monn ne mëss nia resté sciöch'al é. Ti avëi crëta al Dî viënt che al ejaudësc y che al se dará da fá. I ó inant bate a porta y aspeté ch'al me deures a me y a chi che ne crëi nia tl perié.

Chr.Br.

EDEMA	SAN MARTIN	LUNGIARÜ	50 AGN DL SORVISC DE CHI CHE DËIDA PARTÍ FORA LA COMUNIUN Ai 16 d'otober 1972, dan da 50 agn, ti á la Congragaziun por la Liturgia a Roma conzedü al vësko Joseph Gargitter l'autorisaziun che laics, ëres y ëi batiá y confermá, pó partí fora la comuniun tles ploanies y te d'atres comunités. Chësc gnô bele pratiché tles teres de misciun y ince te d'atres diozejes. Cun le decret "Immensae caritatis" dl 1973 é spo chësc sorvisc gnü conzedü y regolé por döta la Dlijia. Tla reforma liturgica â le II° Conzil Vatican detlaré che partí fora y ciafé la comuniun alda sciöche pert importanta pro la mëssa. La rajun dl'introduziun de chësc sorvisc é stada dantadöt: ti dé a düc la poscibilité da jí ala comuniun y evité che la mëssa ne se tirass nia massa en lunch. Al é n sorvisc che n'é nia da conscidré sciöche na nezescité por curí pro na locia deach'al n'é nia proi assá, mo al é n sorvisc regular che arichësc la vita liturgica. Ara vir dala desvalianza di compic che vignun á por sües facultés che ti é dades dal Spirit Sant cun le sacramënt dl bato. Cun le partí fora le Corp de Crist se mët ëi y ëres a sorvisc dla comunité cristiana. La zelebrazion dla liturgia n'é nia ma da odëi sciöche n sorvisc a Idi, mo ince sciöche n sorvisc al proscim. Chi che partësc fora la comuniun dess avëi na buna confidënza cun la zelebrazion eucaristica y cun l'incuntada cun Gejú tla santa comuniun. Insciö ti stál a cör ai ministri dla comuniun che ince tröc d'atri toles pert a chësta incuntada. Ëi y ëres, che partësc fora la comuniun, é l'espresciun via dla comunité che festejëia l'eucaristia y cun so sorvisc dëidi da renforzé le lian cun Chël Bel Dî y le lian d'unité danter i credënc. <i>dal Sonntagsblatt</i>
16.10.22 29ª Domënia ia por l'ann C <i>Segra de Düc</i> <i>Pröm de dl'edema dla fede</i> <i>Program sön la plata injuntada</i>	9.00 Corona 9.30 Gran Mëssa por la comunité + Carlo Moling, Laina (dl ann) de rengr. fam. Oliva y Albert Costabiei + Davide Costalunga	<i>Festa di maridá iubilars.</i> 7.50 Adoraziun 8.15 Gran Mëssa por y cun i maridá iubilars 14.00 Bato de Chris Ianni de Andrea y Cindy 15.00 Corona tla capela Ojöp da Oies	
17.10.22 Lönesc <i>Ignaze d'Antiochia, Anselm</i>			
18.10.22 Dedolönesc <i>Lüca vangelist, Pire da Alcantra</i>	19.00 Mëssa + Carola Modina por les Animes arbandonades dl purgatore		
19.10.22 Dedemesaledema <i>Paul dla Crusc, Isach</i>	18.00 Corona d'otober 20.00 "La parora ai jogh" (por düc) cun Chr. Ferdigg tl salf di stödafüch	7.30 Mëssa + Gottfried Declara + por les Püres Animes dedô Corona d'otober	
20.10.22 Jöbia <i>Wendelin, Vitalis</i>	7.30 Mëssa fam. Trebo, Pens.Tor y def. Palfrader da Iun + Maria Grünfelder Flöss Corona por vocaziuns		
21.10.22 Vëndres <i>Ursula y compagnes, Clementina</i>	18.30 Adoraziun chîta 19.00 Adoraziun - Edema dla Fede	7.30 Mëssa de rengraziamënt de na porsona + + da Miscí, da Valacia y dl Cere	
22.10.22 Sabeda <i>Jan Paul II°, Cordula</i>	<i>Festa di Volontars dla proteziun zivila</i> 17.00 Mëssa prefestia por i Volontars dla proteziun zivila + + Otto y Maria Erlacher + + geniturs Prousch - Perathoner + Hermann Burkia y + + Pescosta, Verda	18.30 Mëssa prefestia + Ida Nagler Clara (dla Uniun) + Marino Clara, Ties	
23.10.22 30ª Domënia ia por l'ann C DOMËNIA DLES MISCIUNS 15.15 Prozesciun Badia - Oies 16.00 Mëssa sö Oies de concl. <i>dl'Edema dla fede</i>	<i>degöna corona dan mëssa</i> 9.30 Gran Mëssa por la comunité de dilan dla racoiüda <i>al cianta le cor di mituns</i> vis y def. proi, monies y fratri dla valada dl ann + Cristina Verginer Conrater + + Vijo y Cristina Prousch (dl ann)	7.50 Corona d'otober 8.15 Gran Mëssa por la comunité de dilan dla racoiüda + siur Fonjo Clara 15.00 Corona tla capela Ojöp da Oies	